

Nunavut Inminiiqniq Nutqaqtirutighaatigut

Hanaqiaghaq Parnairutit

Saptaibami 1, 2011 - March 31, 2014



Hivulliq Uqautigiyait

Nunavut Kavamangat (GN), Nunavut Tunngavik Timinga (NTI), Ikittiahimalugu Inuuhik Katimayit (ELC), Palihimallu (RCMP), paanariighutik uuminga havakpaktut Nunavut Inminiiqniq Nutqaqtirutighaatigut Hanaqiaghaq, havaqattigiikamitjut umingga upalungaiyaipluttik – ***Nunavut Inminiiqniq Nutqaqtirutighaatigut Hanaqiaghaq Parnairutit Atugaghat.*** Paannariit ilitaghivaktut ikayuqatiriittiarnik havaqattiriittiaghutiklu hamna pittailinahuaghugu Inminiiqniq, illitagiplugillu uqautit tunniyait hapkuat paannariiktut.

Paannariit ilitaghivaktut hapkuninga kinatuinarmik, illagiinik, nunaqatingit, hamalu tamainnik timiuyunnik havaktut nutqaqtittinahuarhutik inminiiqnirmut hamalu nakuuhyummirnahuaghugu-inuuhiq Nunavummi.

Ikayuutigivaktaghi ikayuqtighailliuqtunut quyannaghivaktuq hivuumunnahuaktilluta ikayuqtigiikluta hamna inminiiqniq nutqaaqtinnahuarutanni Nunavummi.

Kangighitjuta

Uqaqtauhimayuq uvanni Nunavut Inminiiqniq Nutqaqtirutighaatigut Hanaqiaghaq, inminiiqniq aktuutautjut tamainnut inuuhianut Nunavunmiut. Ikivyaktut Inuit aktuqtauvaktut inminiiqniq hamalu inminiiqtuqarangat quglungnaqtuq atuqtauvaktuq Nunavummiutanit. Taimaittumik, ayughautauvaktuq uqautigiyanganni hamna inminiiqniq Nunavummi, inungnut atauhiulamut, illagiinut, nunaqatigiinut, uvaluniit kavamaqatigiinut.

Una **Parnairutit Atugaghaq** inniqtauvaktuq hapkuat paannariighutik uvangaaniit 2008mit Nunavut Kavamanga (GN), Nunavut Tunngavik Timinga (NTI), Iqittiahimalugu Inuuhik Katimayit (ELC), hamalu Palihihamakut (RCMP) umingga piliuqpektut paannariigunmik piliuriami Nunavut Inminiiqniq Nutqaqtirutighaatigut Hanaqiaghaq. Hamna makpiraat Iliugagtuq katimatjutimut uvanni Nunavut Maligaliurvik October, 2010 Paannariiktut uuminga katimayiliuqtut Nunavut **Inminiiqniq Nutqaqtirutighaatigut Hanaqiaghaq Atuuliqtaghanut Katimayiralaangit** havarumaplutik hapfuminga ilaghangannik makpirammik 90ni uplunni, naunaittiaghihimayughak Atugaghanik una atuqtaulirianganni.

Una ilaghangana makpirammik inniktauhimayuq malrungni ukiungni qinnighiavakammik qanuqtut inminiiqniq nutqaqtinniagaluaqqa Nunavunmi. Umanni Hanaqiaghaq, hapkuat pitqutjuhiatut munariyaat Atuliqtaupkaiyit Katimayiralaangit hamalu kinatuinnaup tautuuyaanga inuuhiritqiyauniatut Nunavummiut. **Parnairutit Atugaghaq** naunaittiarhimayunnik Maligaghaliughimayut una tikinahuagianganni Tautuuyaanga Nunavut hapkuat naunaiyautaat kaffiutilangit inminiiqhimayut atjikutariyait Kanatammi tamaat-ikitqiyauyungnaghiyulluunniit. Hapfuma tautuktuyaaktinniaqtanga Nunavut imatut nutaqqaat hamalu Inulrammiit inungungpallianiaktut qayangnaitqiyammi ikayuqtighaqangnirmi nunani, Inuit qaanngiutillayunni ayuighautimingnut, ihuatqiyammik aturumaliqlutik, inuuqatigattakpaliklutiklu. Hamna Nunavut nakutqiyaanik ilagiiktut, nunallaat, tamaitalu Kavamakut havaqatigiikpaklutik ikayuqtighaqangnaqtumik inuuhiringnaqtumiklu ikayuqtighailliuqtunni.

Uvanni hanaqiaghaq, pitqutjuhiatut tautuuyaanga hapkuninga ilauyughanik katighiyughayut havaqattigiittiaktughanik. Kinatuinnait, nunallaat, Timiuyut, hamalu tamaita Kavamanga Nunavut nutqaqtinahuaglugu inminiiqniq, hamalu inuuhiqattiarnaqtumik nunani.

Hamna **Parnairutit Atugaghaq** pipkainiaqtuq hapkuninga Atuliqtitti Katimayiralaangit, ilauyut Paanariighutik, ihivriurhiyammingni hamalu munaghilutik hapfuma atuliqtittiniani Hanaqiaghaq Tuhagaghaq hamalu tikinahuaghaghangit, maliqatitjaringnaqtummik Tuvaarijaq hamalu havaktaghangat Inullangita Katimayiralaangit Timiuyut tautuqtuyaaktat pitquhimayaatut ukunanni Nunavut Inminiiqniq Nutqaqtirutighaatigut Hanaqiaghaq hamalu Parnairutit Atugaghaq iniqtauyaghangata.

Ilauriyumayuqaqaat iliffingnit nunallaanillu hivumuurutighaptingnik hamna atuliringanni Parnairutit Atugaghaq. Hamna parnairut atuqtauhimarniaqtuq; ilauqtaukamingniaqtuq pingahuni ukiunni atuliqtittautjutanni.

Qanuqtut inminiiqniq nutqaqtirutighaatigut ihuaghiyumiutiniaqa Nunavunmi hamna atuliqtitaupat

- Nunavummiut pinghaqaniatut hapkuninga ikayuqtighanik ihumaliqiyikkut hamalu ipiralailaqaqtuliqinirmut nunamingni.
- Nunavummiut uqaqtiqaqpangniatut ilaiyarangammik ayughautimikkut.
- Ihumaliqiyikkut havaktit aviktughimayunni hanaighimanniaqtut ikyuqtughat Munaghinnit tuhaqtitaaurumik ikayuqtighailiuktumik.
- Nunallani ikayuqtit ayuighayuumirumayut ayuighariaktuqtitaupangniaqtut ahiit ukpaktauyumavangniaqtut inungnit Nunavut Inuuhiriknirmut ikayuqpiakpangniaqtut.
- Hapkuallu ikayuqtigiikpangniaqtut kavamakkut, ilinniarviit, hamalu Paliihimakkut, nutaqqallu, inulramiitlu ayughalirummik ikayuqtauvagianginni amihunit ikayurumayunnit.
- Nunavummiut piyumayut naunaittiaghiyayunnik hapkuat mighanut qanuqtut ayughautainnik hamalu qanuqtut inminiiqnikkut, kitkut ikayuqtighat Hivayautainnik piyumagumik. Hapkuat naunaiktaunniaktut tamaini ilitariyauhmayut uqauhiit.
- Piyumayunut hapkutiruuna makpiranik nutaranuat angiglivalliatjutanut hamalu illagiinut huliitjutighat, ikayuutighallu nutaqqaanut hamalu inirirnut naunaiqata ayughautiqaqtunut.
- Nutaqqaat ikayuqtauniaqtut ihumaluutigiyamingnut ilinniarvingmi, qanurillurutighanginnik hamalu huliitjutighanginnik ihumallighimagumik.
- Inirniillu hamalu inulramiit ayuigharumakpata ilitturitjutighainnik qanuqtut nallungnaikpat inmiqniirumayuqaliqpat qanuqtut ikayuutighainnik uqautjitjutinghannik nalliatigut uqauhitigut ayuighautighanik, hamalu ikayuutighangannik.
- Tamaita nunallat ikayuutighaqangniatut nunanni-inuuhiriutjutighanut ikayuutighainnik.
- Nunavummiut pilahipkaktavangniaqtut uvunga hivarayumagummik Nunavut Kamatsiaqtut Ikayuqtauvik Hivayauta.
- Hapkuat GN, NTI, Paliihimat hamalu ELC havaqattigiittiangniaqtut qayangnaghiyunut naunaitkutayunnik inminiiqumaliqtunut.

Piyaghaq 1: GN Kavamangat uktuqpakniaqtut hamna nutqaqtinnahuarutighannik inminiiqniq

“GN havalayuuq qanuqtut itjuhighangannik Inmikkuungnirmut Nutqaqtinnahuaqniqmut Nunavunmi. Munarhiliqiyikkut Inuuhiriknirmullu aulapkaiyiminnaqtuuq GN-kunnik, allaniglu havagvingnik Ilinniaqtuliyiyikkut, Maligaliqiyikkut, hamalu Pitquhiliqiyikkut tamangmik atuliqtitiniaqtuuq umingga hanagiaqhaq.”

“Taimaittumik, GN piyughauyuq nakuhiyumiktughauyuq hamna tamainut takuuktaghaktik Inminiiqniq nutqaqtinnahuaqniqmut tamaita havagviit tiliurlugit hulitjutighannik hapfuma mighanut Inminiiqniq Nutqaqtinnahuaqniqmut, hamalu havakviit hulipkaitjutighangit maliqatiyaghangit parnairunmut Hanaqiaghanut.”

Tikitaghaat	Paannariit/ Piqatausimayuuq	Tilihityuti uvalu Qanuriliurutit	Hivitikkuta	Qanuriniaqtughauvat
1.1 Munarhiliqiyikkut Inuuhiriknirmullu (HSS) naunaighiniatut tiliurutinik aulatjutighanik ukununga GN.	Hivuliqti: GN HSS Tamaita GN havakviit kivgauyut	Havaktuuq ighivautauyuq umanni GN ADM Hivuliqtiyuut Katimayiralaangit hivuliqtuiyuq munaghiyuq atuliqtitituuq umingga Parnairut Atugaghaq pitquhimayatut GN. Malrungnik havaktiqaqtughak Ihumaliqiyitkut Ilagiiktuliyitkullu & Inuuhiqattiarnirmut, Inminiiqniq Nutqaqtirutighaatigut Ayuitturalik Havakti, ikayuqtiuhimaangniaqtuuq havaghainullu ukuat w GN HSS hamalu havakviit ayughautinut inminiiqnikkut.	2011 hamalu aullahimaaktuuq Aullahimaaktuuq	GN atuliqtitiniaqtuuq pitquyahimayunnik uvanni Parnairut Atugaghaq uvunga naunaittiaghimayut Aulapkaitjutighanut tamainni havakvingni. Hakugighilarutighatit ukuat GN HSS tukihitjutighat uvunga Inminiiqniq nutqaqtirutighaatigut, taimaquyiyuuq uvalu qanuriliurutighaq -taimaqat.
1.2 Hakugignighanga katimaqatigiiktut atautimut nunanni.	Hivuliqti: Atuliqtaupkaiyit Katimayiralaangit nunami piqatausimayut	Havaktughauyut atuliqtitiniaqtuuq Taihitjutighannik hamalu Maligaghannik Havakviit, angayuqaat Havakviit Munaktit nunani Piqatausimayuuq, nunani ikayuqtughaqangiannani ayughaktunut.	2011-2012 hamalu aullahimaaktuuq	Una ihuagiyat Atuliqtaupkaiyit Katimayiralaangit nunallanni ikayuqtiqarianginni Nutqaqtinnahuaqniqmut, taimaaktitinuahuanniq hamalu ikayuqtughaqangianni ayughaktunut nunamingni.
1.3 Ihuaghiyumiutighanginnik naunaighiyughauyut havakviit ikayurianginni nutaqqaat naunaighimayut ayughautiqaqtut, sikuugiagluayutullu.	Hivuliqa-tigiik: GN HSS/GN Ilinniaqtuliyiyikkut allatlu Piqatausimayuuq naammattiaqtut	Havaktughat hamalu atuliqtitilutik Kangighitjutighamik hamalu maligaghannik Ilinniaqtuliyiyikkut hamalu HSS atuqtaghannik uqautjiyuut nutaqaanik nunamingni naunaiyaiyut ayughautimingnik.	April 2012 Inniktuq	Tamangmik taimaaktitinahuanniq nunanni nutaqqaat naunaigangata ayughautiqalliqtut. Ilihariayuumiqattaliqpaktut.
1.4 Nakuhiyumiktut uqautitjutit ukununga HSS havaktilluanguinut naunaighimaliqtut nutaqqaat ayughautiqaqtut ayugharniaktut.	Havaqatigiit: GN HSS/GN Ilinniaqtuliyiyikkut	Angiqatigiigut uqautigiyaghaungitnut hamalu nutaqqaat nainaiyaihimayut ayughautimingnik ayughangniarunaghiyut.	January 2012 Inniktuq	Innirighimayuuq hivayautighanut maligaghaq hapkuat HSS havaktiita hamalu Ilihaiyit atugaghat.

Piyaghaq 2: Paannariit hakugiutiqangniatut havaqatigiiktunut Ihumaliqiyitkut, Inuit pitquhiitigut ikayuutighaqarniq

"Tadja, Inuit ilangit ayughaqaktut ikayuqtighailiughutik Ihumaliqiyitkut. Ikayuqtighaqakpaktughaugaluaqtuq-ihivriughikakpata nunamingni-inuit ikayuqtauvagianginni-inuuhirinnaqpangniaraluaktuq ihumaluktunni hapkunanni inungni."

"Taimaittumik Paannariiktut havaqatigiittiaktughauvaktut ikayuqtighailiuruit inughanigianginni, ihumaliqiyikkut havaktighainik, nakuuhyumiklugillu Inuit Qaujimagyutuqangit atuqpauiit. Hamna pitquyauhimayuq, GN havaktughayuq inuuhianik hapkuat ikayuqtighainik Nunavummi, ihuaghaglugulu hamna Ihumaliqiyikkut Hanaqiaghaq, takuutjagighilugulu Ihumaliqiyikkut Maligaq. GN pipkaiyughat nikayunut ikayuutighammik tamainni nunallanni ikayuutaukpiarniarmata tamainut Nunavummiunut."

Tikitaghaat	Paannariit/ Piqatausimayuq	Tilihityuti uvalu Qanuriliuruit	Hivitikkuta	Qanuriniaqtughauvat
2.1 Takuugaghaq Nunavunmi Ippiralimailaqiyait hamalu Ihumaliqiyikkut Itqanaiyautit hamalu takuugaghaq Ihumaliqiyikkut Maligaq.	Hivuliqti: GN HSS havaqatigiplugit Paannariit Katimayiralaangit hamalu Ilautjutigiit namagiyamingnik	Naunaiyaiyughayut Nunavunmi Ihumaliqiyikkut	2011-2012	Ihuaghayughat Itqanaiyautit hamalu Maligaliurvik pipkaitjutigha Ihumaliqiyikkut Nunavunmi.
		Naunaiyaiyughayut Nunavunmi hamalu Ippiralimailaqiyait Itqanaiyautit naunaittialugit kituyaghait havaktiqagtut Ihumaliqiyikkut	2011-2012	
		Naunaiyaiyughayut Ihumaliqiyikkut Maligaq kitkuluat piqaqtughat havaktighailiugtullu	2012-2013	
2.2 Ihuaghiyumiglugulu akituyut tuavirnaqtuq havaktighanigianni tamaita Ihumaliqiyikkut Nunavunmi.	Hivuliqti: GN HSS	Naunaiyaiyughayut akituyut piyaghautait qanuritunnik havaktighainik innighanginniklu nayugaghanginniklu uvuunna Ihumaliqiyikkut Nunavunmi	2011-2012	Namaktunnik hamalu attuqtauyughannik Ihumaliqiyikkuthamalu Ippiralimailaqiyait nayugaghainik Nunavunmi
		Itqannaiyaiyuq umingga Akituyut parnairut hapkununga Ihumaliqiyikkut pijittirautiit hapkuat tamaita nayugaghangit hamalu naunaiglugit pilliuktauyut nayugaghat	2012-2013	
		Itqannaiyaiyuq parnairutighat niuvrutighallu nutannik nayugaghaliurutighannik	2013-2014	
2.3 Nakuuhivallialugit Ippiralimailaqiyait ayuitturallit ikayungniartingit Nunavunmi.	Hivuliqti: GN HSS tamakpianginnut Ihumaliqiyikkut havaktingit Nunavunmi	Naunaiyattiaklugu qanurityutait qaffiutilangillu Ihumaliqiyikkut havaktighait Ihumaliqiyikkut.	2011-2012	Amiraigyumilugit ayuittugalit havaktighat Ihumaliqiyikkut tamainni Nunavunmi.
		Naunaiyaglugit qanuritut Ihumaliqiyikkut atuqtaghat havaktiinut Nunavummiut.	2011-2012	
		Itqannaiyaiyuq amihuni-ukiunni nattaaginni Ihumaliqiyikkut inuuhirinnaktummik pilliugtait	2012-2013	
		Havaqatigiplugit Nunavunmi Ilihagiakpaalivik iliharvigharmik mighanut Ihumaliqiyikkut	2012-2013	

Piyaghaq 2 (ilanga)

Tikitaghaat	Paannariit/ Piqatausimayuq	Tilihityuti uvalu Qanuriliurutit	Hivitikkuta	Qanuriniaqtughavat
2.4 Nakuuhyumiklugu upautiyughannut inminiiqtuqqarumayuqalikpat nutaqqannik.	Hivuliqti: GN HSS	Naunaighilunni ayuighaghimayunut ikayuqtughannik HSS havaktiinut inimiqtuqqarumalikpat nutararmik, ikayuqtigharqarianginni havaktit.	March 2012 Inniktuq	Naunaighiyughauyut kangighinnaqtunmik atugaghanik. Atugaghat hanaighimayughauyut.
2.5 Nakuuhivallialugit lhumaliqiyikkut inuuhirinnaktummik atugaghat lqalungni tamainnut Nunavummiunut.	Hivuliqti: GN HSS	Naunaiyattiaglugit qanurittilangita lhumaliqiyikkut inuuhirinnaktummik atugaghat namallahiyughat aviktughimayunni Nunavummiutlu tamainut turaaktitauhihayunut. Tunihiyughat havaktighannik ayuighaghimayunnik lhummarlukhimayuliqiyi, lhummarlukhimayunut, lhummarlukhimayunut Munaqhi, amiraiglugit inuutainnut Nunavut namalugit.	March 2012 Inniktuq Naunaiktaghaq	Naunaighiyughauyut kangighinnaqtunmik atugaghanik. Atugaghat hanaighimayughauyut.
2.6 Tunihiyughat Inuit pitquhinnik ayuitunnik ukiugannullu ihuaktummik nikayunnut ikayuqtighammik.	Hivuliqti: GN HSS Paannarqatigilugit ukuat NTI, ELC, Inuit nunallallu	Havaktughat parnairutighammik Inuit pitquuhiinnik ukiuginullu ihuaktunik nikayunnut nunallanni.	April 2012 Inniktuq	Inuit pitquuhiinnik atughutik nikayunnut atugaghat nunallanni, ilitturiplugu qanuqtut ittaghanga inuutaita nunap.
2.7 Tunihiyughat ikayuqtighannik nunallat uqautjighannik nunallanni.	Hivuliqa-tigiik: HSS/NTI/ELC nunallanni uqautjiyughannik	Naunaiglugit hivayaglugit uqautjigingit ikayuqtitlu nunanni tamainni (angatjuviit, inniririt, ukiuqatigiit, etc.) hamalu uqatigilugit hapkuat ayuighautihannik piyumayammik. Hanaihyughat Havakviit lkayugtighaqaqtughat	2012-2013 Inniktuq	Nakuuhyumiktut ikayuutighat nunanni uqautjighannik havaktighat.
2.8 Ikayuqtughat nunallannut havaktinullu amihunik inmingniqtuqaqata (hivikittummi amihuukpata) nunami, aviktughimayunnilu.	Hivuliqti: GN HSS Paannariilugit NTI, ELC hamalu allat llautjutilik.	Havaktughat parnairutighannik ikayuutighannik nunallannut havaktinullu amihunik inmingniqtuqaqata nunamingni.	April 2012 Inniktuq	Amigaigyumilugit ikayungniaqtit nunallaani havaktinullu upittughat pittiangnaktummik maliqatittiangnaktummik.
2.9 Amigaigyumilugit ikayuqtighat uvanni Nunavut Kamatsiaqtut Help Line.	Hivuliqti: GN HSS	Tunilugit manighanginnik attutjaringnaktummik Help Line hamalu, avatqutjutighamk, amigaigyumiyanginni ikayuutighangit hamna.	April 2012 Pigialiqtuq	Help Line hivayauta tuniyauvaktuq manighanginnik. Angigitjutighangannik parnaiktut tamainnut aviktughimayunut.
2.10 Amigaigyumiyut ikayuqtighat uvunga lkittiahimalugu Inuuhik Katimayit (ELC)	Co-leads: GN HSS/NTI	Tunihiyut ilaghangannik manighanik aullattiarutighangannik.	April 2012 Pigialiqtuq	Pipkallahilugu ELC amigaitqiyannik ikayuqtigharqarianginni.

Piyaghaq 3: Paannariit ayuighayamingnik ikayugtighannik tuniyauvaktut ayughaktunut ihumaluktunut

"Ilihimagugut amihukpiat Inulrammiit inungukpalliahimayut ayughautiqaghutik amihunik, ahiit allanniktauq ilaghangannik havaktughayut, (ilanariyamingnit taimaktauniq) quviannaitut ihumalutait uvunga tikilaitkutighainnik ihuittumut."

"Taimaitumik, Paannariit ikayuutauvangniatut inulramminut ilitturiyughat uktughimaakpagianginni, ilitturipkatjutighannik ninganghiraiddummik uvalu nulliaqtaunnaitummik, hamalu angayuqanngunirmik ayuighautighannik. Ilagha, Paannariit ayuighautighannik Inulrammiit mighanut ihumalungniup piyughauvaktut, imaitunik ningahunniup mighanut ayuighautighannik, uqautjiyughannik ilinniarvingni, hulilukarutighanniklu ulapqitjutighannik aullaghimatjutighannik nunami."

Tikitaghaat	Paannariit/ Piqatausimayuq	Tilihityuti uvalu Qanuriliurutit	Hivitikkuta	Qanuriniaqtughauvat
3.1 Naunairutitauniaqtuq, atuqluaktaghat, qanuriliurutighaat, hanaqiaghat ihuighautait inuramit nakatqutighangit inminiiqniq atugaghaittumik.	Hivuliqti: Atuliqtitti Katimayiralaangit	Piyughayut Inulrammiit havaktughat naunaiyautighannik hamna mighanut Nunavut Inminiiqniq Nutqaqtirutighaatigut, Taimaaktinuahuanniq hamalu kinguganni Nunavunni.	2011-2012 aullahimaaktuq	Naunaiyattiaglu Inulrammiit qanuqtut itpagiaghangana inminiiqniup ahiit illittuvallianaqtut hapkuat havaktauhimagut atulipallialugit Inminiiqniq Nutqaqtirutighaatigut qanuriliurutighaliughimagut inulramminut havaktauhimagut. Hulilukarutighanginnik inuuhirmiktut uktutighannik uqautjauvaglutik ikayuqtigiiqattarnaktumik inulramminnik. Naunaiyaiyughat qanuq hapkuat atuqpagtaghanut havagighimagut tamayat.
3.2 Atuqtitiliglutik atugaghaliughimagayunnik tamainut inulramminut, hapkuallu inulrammiit ayughautiqaqpaktut inminiiqnirmut, Ihummarluktailirinirmut (MHFA) inulramminut; atugaghainnik hulilukarutighanginnik hanaihivaktughat tamainni nunallanni.	Hivuliqti: Implementation Committee	Havaktughayut tamayannik inuupta pitquhigivaghimagayut inuuaqtigiiitsianirmut atayunnik havaktughayut havaktiit atugaghainnik ilinniarvingni, munaghiqarvingni, angayuqallu hamalu Ihummarlukhimayunut Munaghi atugaghait inulramminut turaghimagut, naunaihimatjutit qanurijutingit ihumaaluktut, Maligaghat naunaiyattiaghimagut qanuriliurutighat ikayuutighallu ikayurniaqtinni. Makpirannik nuittithimagayut hapfuma mighanut nutaqaanik nuliaktaunikkut ihumaliutauvangmat angilivalialirangammik, qanuriliurutighanginnik naunaighitvaktughayut hamna nutqaqtiinnaharutighannik.	2011-2012 hamalu aullahimaaktuq	Inulramminut –atugaghannik nuipkaivaghimagayut hapkuat atugaghainnik havaktiit, hamalu nunallanni atugaghangit ilinniarvingni, munaghiqarvingni, angayuqaat, hamalu havaktiit Ihummarluktailirinirmut Tahiuqti naunaighitighat ihumalighimagayunut naunaighikpata hapkuat atugaghangit ikayutighat.
3.3 Atuqtauhimakpaktughat hapkuat mighanut Inminiiqniq Nutqaqtirutighaatigut atuqtaghat ilinniarutighat.	Hivuliqa-tigiik: GN HSS/GN Ilinniaqtuliyikkut allatlu Ilautjutilik namaktut	Ad hoc havaqatigiiktut hivulliktuiyughayut hamna atuuliqtillugu piyaghaliuktanga NSPS tamainnut timiuyunnut hamalu ilinniaqtuliriyikkut ilihaitjutighalluipaktainnut atugaghaliuqtughayut hapkunanni kuliit 7-12mut.	April 2012 Pigialiqtuq	Naunaittuq paannariighutik ikayugtigiighutik hapfuminga havaktut ilihaitjutighammik atugaghannik ilinniaqtuliyikkut.

Piyaghaq 3 (Ilatjuta)

Tikitaghaat	Paannariit/ Piqatausimayug	Tilihityuti uvalu Qanuriliurutit	Hivitikkuta	Qanuriniaqtughauvat
3.4 Nunaryuammi Inulrammiit Inminiiqniq Nutqaqtirutig-haatigut (NAYSPS) manighangit atuqtauyughayut hapkuat pitquyauhimagayunit NSPS Tilisitjutit Parnairutit	Hivuliqa-tigiik: GN HSS/NTI/ELC	Munarilugit Paannariit NAYSPS manighangit nunallanni Inuit Inulrammiit Inminiiqniq Nutqaqtirutighaatigut pinahuaqtaghat hamalu huliaghat.	April 1, 2012	NAYSPS manighangit atuqtauyughayut hapkuat pitquyauhimagayunit NSPS atuqhimayangita hapkuat NSPS piyaghaliurhimayangit.
3.5 Ayuighautighat inulramirnut pipkaivaktughat hapkutiguuna qanuriliurutighat ajungitjutit, ningahuktailinni ayuighautit, Inuuhiringnirmut, Inminiiqniq Nutqaqtirutighaatigut inuuttiarniq.	Hivuliqti: Atuliqtaupkaiyit Katimayiralaangit	Katitiriyughayut aturuminaqtunnik ihuariyayunnik ayuighautighanik ahiit katitiglugit qaritauyanut atugaghat Paannariiqatigaglunni allannik havaktighannik hapkuninga ayuighautiqatighannik pinahuaqtannik.	March 2012 Inniktuq 2012-2013 aullahimaaktuq	Inulrammiit inuhiritiaghimagayut ayungitut hapkunanni ikayuqtiuyughayut hivullituyuyughat.
3.6 Amigaiglugit ikayuutighallu inuuhiringnaqtumik inulramirni nunanni tamainni.	Hivuliqti: Atuliqtaupkaiyit Katimayiralangit Aviktughimagayut Inuit Katimayit allatlu Ilatjutilik	Naunaiglugu inulramit huliaghait tamainni Nunavunmi nunallanni attuglugit hapkuat atugaghaliughimagayit Qikiqtani Inuit Association-havaktait Inulramit Hulivita Naunaiyauta aturlugu Allanut takupkallu ihuariyahi atuqpaghimayahi tamainut nunallanut Havaktuq parnairutighannik inulrammit Katimavighannik havagiatqaktut nunanni tamainni.	March 2012 Inniktuq	Ilittiritjagighilugit huliitjutighangit inulrammit. Amigaiglugit ilituritjutighat hunailiurutainnik nunanni inulramit mighanut; aturuminaqtunnik ihuariyayunnik. Aturluaraghat naunaighimagayut inulramit katimavighannik nunanni.
3.7 Havaktuq ikayugpaklugit inuukatigiyamingnut ukiukatigiyamingnut uqautjiyut nunamingni	Hivuliqatigiik: RIAs/NTI/GN HSS	Takulugu ihuagiyayut atuqtauvaktut Kanatammi allannilu nunanni hamanilu Nunavunmi; havaktuq ayuighautighannik hamalu Nunavunmi ilihaiyit maliktaghait paannariiktut Hamlakkut hamalu inulramit katimavita ayuighaitighangit makpiranit ilihaitjutighat.	2012-2013 Pigialiqtuq	Ukiukatimingnik uqautinik ilihaitighaat atulahiuyughayut nunanni tamainni Nunavunmi ayuighautighat makpiraat.
3.8 Ikayuglugit havaktut inulramit qaritauyakkut nunanni Nunavunmilu.	Hivuliqatigiik: GN CLEY/ RIAs/ NTI	Ikayuglugit hapkuninga havaktut qaritauyakkut atugaghat inulramit nunanit Nunavunmut. Ayuighautighannik tavungaluk ikayughimakpaklugit tamaita inulramit katimavinni.	May 2012 Pigialiqtuq	Inulramit katimayiralangit tamainni nunanni Nunavunmilu katimayiralangit katighiyughat havaqatigiiklutik, uqatigiiklutik, hivanirviuvaktut nunanni inulramit atugaghainut.
3.9 Havaktughat naunaighitighanik inulramirnut hunauyaghaita ayughautainut naunairutauvaktut inminiiqniqmut.	Hivuliqti: Implementation Committee	Havaktughat takunaqtut naunaitkutighat ayughaituqaqtunut naunaiyarighimagayut uvanni katimayuarimata, uvannilu umanni 5.1, nuliaktaunikkut hamalu aaniqtiqtauhimayarangatalu.	2012-2013 Hamalu aullahimaaktuq	Angigliyumiqtuq naunaighitighat ayughaitigivaktainut inulramit inminiiqnikkut Nunavunmi.

Piyaghaq 4: GN ayuighautjauvangniaqtut Inminiiqniq Taimaaktitinuhuaniiq amihuiktuqlugu ukiuk piyuminnaqtumik

"Paannariit ilihimayut amiraitilanginnik amiraiqiyaayut Nunavunmi, hapkuat ilannariiktut ikayurumavaktugaluat ilanamingnik, hilalimingniklu, ayughaktunik ilanginnik. Ayuighautighat hapkununga inungnut illittaghiytjutighat inminiurumayutut ilitpata, uqautihanginnik qanuqtut inungnut ikayugtighanginnik ayughaktunut ikayugtighanginnik naunaighitilugit, ikayuutighannik Nunavunmiut nunallaat inminiiqnikkut mighanut ikayugtighanginnik.

"Taimaitumik, GN piyumavaktuq ikayuutighannik ayuighautighat ikayuqtauvagiaginni ayughaktut. Nunavunmi ayuighautighat tuniyauniaqtuq Nunavunmi tamainut havaktinut ayughaktunut amihunut, hapkuningalu hivulliqtiuyumayunut inminiiqniq taimaaktitinuhuaniiq."

Tikitaghaat	Paannariit/ Piqatausimayuk	Tilihityuti uvalu Qanuriliurutit	Hivitikkuta	Qanuriniaqtughauvat
4.1 Pipkayuq Uqaaqatigiiluk! Uqautigilugit!! ¹ 'Nunavutkuinnait' atugaghat uvunga Inminiiqniq taimaaktitinuhuaniiq Ayuighatjutighaat, tamaita ilauyumayunut Nunavunmiut.	Hivuliqatigiik: GN/HSS/ Nunavut Ilihagiakpaalivik /GN HR	Iliharniq ikayurumayunut Uqaaqatigiiluk! Uqautigilugit! Ayuighautighat makpiraat tuniyauniaqtut. Pitquyayut ayuighaiyughat tuniyauniaqtut naunaitkunmik Ilihainirmut. HSS naunaighiyut havagvighanik aulapkaiyughannik Uqaaqatigiiluk!, ilaqaqtughat naunaitkutammik kaffiutilangit ayuighautjiyut ilauyullu. Hivulliyughat ayuighayughat HSS hamalu aallat havaktit inuliyikkut, ittiqtauviit, Qaujisaqtaujariaqaqtitauniq, ilinniaqtuliriyikkut (apiqutaat hapkuat Katutjiqatigiit Nunavunmi Ilihaqtuliyiyiit), nunallaani katimayit uqautjiqattaqtut inungnik, uvalu Nunavut Ilihagiakpaalivingni ilihaqtut.	Initiated April 2010 hamalu aullahimaaktuq Initiated April 2010 hamalu aullahimaaktuq Initiated April 2010 hamalu aullahimaaktuq	Inminiiqniq Taimaaktitinuhuaniiq ayuighaiyughat tamainut piyughauyuq Nunavummiut. HSS havagvighat havaktauhimayut uqautjiyughayut Uqaaqatigiiluk!
4.2 Havaktuq ikayuglugillu akiittumik havaktut Uqaaqatigiiluk! /Uqautigilugu! Ayuighaiyut.	Hivuliqatigiik: GN HSS/GN Ilinniaqtuliriyikkut Piqatausimayut pitquhimayaitut	Atauhiugaluamik piyughat Uqaaqatigiiluk! "Uqauhirilugu"(Ayuihautighak Ayuighaiyughanut) atuqtughat ukiuk tamaat Nunavunmi. Atuliqtaupkaiyit Katimayiralangit uktuqujinaqtut havaktinik uvunga Uqaaqatigiiluk! Ayuighaiyit, ayuighautjivaktughat atauhirmik ukiuk tamat. Ayuighautighannik pivaktughat umingga Uqaaqatigiiluk! Ayuighaiyit atauhirmik Malruuk ukiuk natkaikpannik.	January 2012 Pigialiqtuq October 2012 aullahimaaktuq	Amigaitqiyat Nunavummiut akiittumik ayuighayut Uqaaqatigiiluk! "Uqautigilugu" ayuighagvit, akikitpangniatuq Uqaaqatigiiluk! Ayuighautjiyughannik ausaimut. Uqaaqatigiiluk! Ayuighaiyughat ayuighaghimaaktut, qaritauyaturullu.
4.3 Ikayuqtihat Angayughiit iliharvianni inulramminut ayughaktunut inminiiqniqmut.	Hivuliqatigiik: GN HSS / GN Iliniatuliriyikkut / Katutjiqatigiit Nunavunmi Ilihaqtuliyiyiit	Ilihaiyit havaktullu ayuighaitighainnik piyughat hapkuninga ihumalunikut, Ippiralimailaqiyait , & Inminiiqniq Taimaaktitinuhuaniiq. Ikayuuttighat havaktunnit ayuighahimayunnit nunanni ayuighautjinit. Angayughiit ilihaktut ayuighautjauyaaktut Ihummarluktailirinirmut, Ippiralimailaqiyait , Inminiiqniq Taimaaktitinuhuaniiq ikayuqtaulutiklu ayuighahimayunnit.	September 2011 Pigialiqtuq September 2011 Pigialiqtuq	Qaritauyakkut kaffiutilangit ayuighayut naunaiyautait. Hivuanni Inniutanni naunaiyautait. Takuunnaghuyumiuta nunanni naunaghunilu ayuiktaghannik.

¹ Uqaaqatigiiluk! Uqautigilugu! Hamna GN HSS/DEAs ikayuutighak uvunga Inminiiqniq Taimaaktitinuhuaniiq Ayuighaut (ASIST) atuqtauvaktuq allanni nunanni.

Piyaghaq 5: Paannariit ikayurumayut naunaiyautinnik kangighiyanginni inminiiqniq Nunavunmi qanuqtut ikayuutauvagiagha Inminiiqniq Taimaaktitinuhuanni qiyaghat

Amihuyut nallunaighimaitut inminiiqnikkut Nunavunmi, naunaighimatuniktauq Inminiiqniq Nutqaqtirutighaatigut atugaghat. Paannariit ilitaghiyut ihivriurutinnik inminiiqniq Taimaaktitinuhuanni Atugaghat. Paannariit ilitaghiyut naunaiyautinnik inminiiqnikkut Nunavunmi ilitturitjarighilugu huuk hamna piliriat, maligaghat ilitturilugit Naunaiyaglugit, tuvaarijaq naunaiyaghimayummit."

"Taimaitumik, Paannariit piyumayut, ikayurumayut, naunaiyaiplutik huuk inminiiqniq ilitaritjutighanginnik kangighitjutighannik. Paannariit angiqatigiiktut munarilugu ihivriuglugit hulitjutighat hamna Atuliqtaupkaiyit Nunavut Inminiiqniq Nutqaqtirutighaatigut Hanaqiaghaq."

Tikitaghaat	Paannariit/ Piqatausimayug	Tilihityuti uvalu Qanuriliurutit	Hivitikkuta	Qanuriniaqtughauvat
<p>5.1 Havaqatighamik Paannariit nunaiyaiyug qanuriliurutighannik katimatjutighannik mighanut hapkuat Inminiiqniq Nutqaqtirutighaatigut, Inminiiqtuqaqallu Nunavunmi.</p>	<p>Hivuliqti: Atuliqtaupkaiyit Katimayiralangit allalu Piqatausimayug nammakpat</p>	<p>Atuliqtaupkaiyit Katimayiralangit havangniatut qanuriliurutighannik katimatjutighannik nunaiyaiyug qanuriliurutighannik katimatjutighannik hapkuat Inminiiqniq Nutqaqtirutighaatigut, Inminiiqtuqaqallu Nunavunmi.</p> <p>Havaktug piyaivighamik allanik paannariighanik atauhirmik katitighivighamik, munaghivighamik tunighavighaq naunaiyaghimayunit titiqanit inminiiqnikkut, hapkuallu atuqtauuyut, atuqluakpaktat, atugaghat, taimaaktitinuhuanni atugaghait, namagiyaat Nunavut.</p> <p>Havaktug makpiranik naunaiyautinik atuqtauhimayunik naunaiktainik, atuqluakpaktat naunairutaita aullaktirutait, naunaiyagiktainnut makpiraliughimayut naunaiyautinit.</p> <p>Katimagyuapkailutik naunaiyaktughanik inminiiqnikkut Nunavunmi uqautjyughanik Piqatausimayutkunik nutanik tadjat ayughautauvaktunik, ayungnaktut, atuqluakpaktat, ahiit uqautiplugit Nunavut inminiiqnikut naunaighimayait katimatjutighat.</p>	<p>January 2012</p> <p>April 2012</p> <p>April 2012 Pigialiqtug</p> <p>November 2013</p>	<p>lhuatqiyag naunaighit ayughautinni uvunga inminiiqnikkut;</p> <p>Naunaitqiyamik qauyimakpalliyut naunaiyautit inminiiqnikkut ayughautait inulramirni hamalu iniqtitpalliyunni</p> <p>Atuqluakpaktat tutquqtivigiplugit titiqanik hamalu mamitpalliatjutighat (ihuinaqtauhimayunut ilangiinullu)</p> <p>Katimaagjuakpaklutik uqautighatik allanut uqaqatigiikpagiangita hapkuallu naunaiyaghimayatik uqautigivagiangita Nunavunmi ahiannilu Nunanni.</p>
<p>5.2 Naunaiglugu hapkuat ikayutighat taimaaktitinuhuanni aniqtirniq nuliaqtauniq (nutaqqanik, innirniniklu) ihumaluutingukpaktug ilanirungugangat.</p>	<p>Hivuliqti: Atuliqtaupkaiyit Katimayiralangit allalu Piqatausimayug nammakpat</p>	<p>Naunaiktut atuqpaktait Nunavunmi Taimaaktitinuhuanni.</p> <p>Havaktug naunaiyaunmik (A) naunaikunmik nutaqqaat nuliaktaunikkut mikauplutik inminiiqniqmut atangmata; B) atuqluaktauvaktut naunaiyautit mamitirutauyullu (tamingnut piyauhimayumut hamalu ilainnut) uvanga nutaqqaat nuliaktaunikkut makpiranginnit. (5.2,5.3)</p> <p>Hapkunanga aullatjutighat Ilagii Anniqtaunikut Nutqaqtinnahuaqniqmut Hanaqiaghaq attuliqtittinniq, nutannik atugaghanik piyughat ayughautauvallakpaktug nuliaqtauniq aniqtirniq nutaqqanik, inulramirniklu pitquhiptingnik. Atupaliqtughat Taimaaktitinuhuanni.</p>	<p>April 2012 Inniktuq</p> <p>April 2012 Pigialiqtug</p>	<p>Havaktuhat taiguaghanik hamna taimaktitaunaharutighanik nutaqqaat nuliaktaunikkut anniqtuiniq ayughautait.</p> <p>Havaktug taimaaktitinuhuanni hamna mighanut nuliaktauniq anniqtuiniq ayughautait nutaqqaat/inirnitlu). Pitquhiit aturlugit hulitjutighat taimaaktitinuhuanni aullaqitjutighat.</p>

Piyaghaq 5 (Ilanga)

Tikitaghaat	Paannariit/ Piqatausimayuq	Tilihityuti uvalu Qanuriliurutit	Hivitikkuta	Qanuriniaqtughauvat
5.3 Naunaiyautighannik huuq inminiiqniq atuqtauvakpa Nunavunmi inulramirnit qanuritjutauvakpata hiragluuktuqpallalirangamik uvalu nutaqqaat nuliaktauniq.	Hivuliqti : Atuliqtaupkaiyit Katimayiralangit allalu Piqatausimayuq nammakpat	Havaktuq havaktitilutik naunaiyautighanik taiguanik naiglihimayut takuunaqtunit naunaiyautinit, atuqluakpaktait aullaktirutighat, nutaanit naunaiyautinit titiqanit naunaiyautinit. Kituujaghangit Naunaiyaglugit paannariikpaktut hamalu hapkuak naunaiyautighanginnik havagluakluta hiraglungniup mighanut nuliaqtaunikkut mighanut.	April, 2012 Inniktuq Pigialiqtuq uvanni 2011-12	Naunaitqiyamik hapkunanga naunaiyaghimayunut huuq inminiiqniq atuqtauvagiagha; ilitturityagighiyanginni hapkutiguuna; atuqluqtauvaktut hapkuat titirautigiplugit nunaiyautigivaktaat hamalu mamitigutighaat ilagiiit piyauhimagullu; Nunavunmi – havaktauhimagumik ilituripkaitjutighat hapkutiguuna.
5.4 Katitighimayut nuittauyut kaffiutilangit inminiiqnahuaqhimayut	Hivuliqatigiik: GN HSS / Paliihimat	Havaktughat atuqtitiliqtughat maligaghanik maliguminaghilugit titiragvighat naunaittumik kaffiutilangit inminiiqnahuaqhimayut Nunavunmi-tuquhimayuinnaungit inminiiqhutik; Paliihimat atuqtitiliqtughat titiqanik qanuqtut napalingmik naunaiyattiaghimagumik Paliihimat upautigangamik atugaghanik inminiiqnahuaqtuqarangat.	September 2011 Pigialiqtuq	Naunaittarianganni qanuritaaghanga inminiiqnahuaqtuqarangat Nunavunmi uplumi, qanuqtullu allanguukpaliatjutiqaqpagiaghanga.
5.5 Havaktughauyut naunaiyautighamik qanuritagha inirighimagumik qinnighiavighamik ilitturitjutighak naunaiyautighak atuqtauyughak tamainik hapkutiruuna Nunavut Inminiiqniq Nutqaqtirutighaatigut Hanaqiaghaq.	Hivuliqti : Atuliqtaupkaiyit Katimayiralangit	Havaktughauyut, aturuminaqtumik munaghitjutighamik ilitturitjutighak naunaiyautighamik atuqtauyughak uuma Nunavut Inminiiqniq Nutqaqtirutighaatigut Hanaqiaghaq.	January 2012 Pigialiqtuq	Atuqtauhimaaktughamik ilitturitjutighak atuqtauliqatta hapkuat pitquyauhimagut atuugaghaliuqtauhimagut uvunga Nunavut Inminiiqniq Nutqaqtirutighaatigut Hanaqiaghaq.

Piyaghaq 6: Paannariit uqaqtiriikpangniaqtut tuhaktitaiqattaqlutik tuhagaghanik Nunavunmiunnut

Tuharutainnut allatqiiktut, kihimik uvunga Hanaqiaghakkut malruuyuk atuqluaqtauvaktuk. Ilihimaghat hapkutiguuna lhummarluktailirinikkut, inminiiqnikkut, hamalu atuqluaqpaktait Inminiiqniq Nutqaqtirutighatigut takunnakpaktughayut Nunavummiunnut. Hamalu, naunaiktauyughat hapfumuna atugaghaitigut uuma Hanaqiaghaq hamalu Qanuriliurutigahngit tuhaktitauvaktughayut Nunavummiut tamainutinungnut turaaqtihimayughayut."

"Taimaitumik, Paannariiktut piyaghatik pivalianahuaktahait tamatkiklugit."

Tikitaghaat	Paannariit/ Piqatausimayuq	Tilihityuti uvalu Qanuriliurutit	Hivitikkuta	Qanuriniaqtughauvat
6.1 Havaktughayut attuqtauyughannik tuharutainnut parnairutighamik Nunavut Inminiiqniq Nutqaqtirutighatigut Hanaqiaghaq.	Hivuliqti: Atuliqtaupkaiyit Katimayiralangit	Havaktughayut tamainut tuharutainnut hanaqiaghaq Atuliqtaupkaiyit Katimayiralaangit, ilaqarniaqtuq qaritauyakkurutighamik hamalu ukiuk tamat Katimayiralaangit, - angiqtauhimayumik titiqamik. Havaktughayut tuniuqqaqtauyughamik tamainut inuliyiikkunut takuunaqtughannut naunaiyagvighanut.	2011-2012	Naunaittiaghimayut tuhaktitauyughat Nunavummiunut taima aulainnaqtughat hapfuma atuuhiaqut Hanaqiaghaq.
6.2 Havaktuq tuniuqqaqtaghanik tamayannik piqaqtut: - Qangighipkaktayughat ayughautinik inminiiqnahuaqtuqarangat; - takupkaiyughayut lhummarluktailirinimut ikayuqtigharhiurniq ihumaluktunut; hamalu - takunaqtughat Hivayautit ikayuqtauyumayunut ihumaluktunut.	Hivuliqti: Atuliqtaupkaiyit Katimayiralangit	Havaktuq tuniuqqaqtaghanik ilitturitjutighat nunallanni atuqtauyunik tamayaniklu tuniyauqattaqtunik Inuit Timiuyunut, Hamlatkunut, Munaghiqarvingnut, nunallanni katimayiuyunut, katimayiit Nunavunmi tadjayayughayughanut naunaitkutit. Inirinighatnut tuhaktitityutighat hanaighimayughayut, uqaqtigilugit Aviktughimayunni hamalu nunallanni havaktit, nallautikkut nunallanni katimanikkut.	2011-2012 Hamalu aullahimaktuq 2011-2012 Hamalu aullahimaktuq	Naunaittiaghimayut tuhaktitauyughat tamainut Nunavummiut ilittariyauhimayut uqauhiit tuhaktughanut. Tamayat takunaktughat qaritauyakkut hapkutiguuna inminiiqnahuaqtuqarangat, taimaaktitinuahuanniq inuuhiringnahanuirmut atugaghat Nunavunmi; tuniyughat nunallat atuggahainnik Inminiiqniq Taimaaktitinuahuanniq inuuhirittianaqtumik "hanalrutighat"; havaqatirittiangnaqtumik tuhagaghanik quvuanaqtuniklu unipkannik tuhapkainiq. Inirinighat ilihimapkaktitauvangniaktut uqaqtainnik nunallaat, inungmiutjutinnik inirinighallu.

Piyaghaq 7: GN pipkainniaqtut hivunighaptingni hapkuninga pitjutighannik inuuhiringnaqtunik nukaghinuanni nutarannuanni

“Taimaaktitinahuanni amihuni aullaqittaaktut, kihimi Paannariit ilitaghiyut hapkuninga mamangmingnit, inuulihaktuq, hamalu nutarannuat inuuhiringnautighangit hamalu angayuqaat ilauvakumik hapkununa ihuatqiyauvangniaqtugaluqaqtuq tamainut Nunavunmiunut. Mikkautihianit taima nutarannuat angiglivalliatjutaanut, Nutaqqiqivingni, nakuyunik niqighanqangnirmi hamalu nutarannuat munarittiaktauyughayut aanighiktalinirmi, munarittiaktauyuhut Nunavunmi nutarannuat angigliniarutanut inuuhianut, hamanlu nutqaqtitauyanginni aanniqtirutaavaktut.”

“Taimaitumik, GN aullaqipkaiyughayut Nunallaani Munaqhittiarutihanik Hanaqiaghaq, hapkuninga Mamangmingnit hamalu Inuulihaktuq Munaqhittiarutihanik Hanaqiaghaq ilaukpallialugit hapkuat ECD atugaghaliughimayait HSS. Illaurutigha, GN hapkuat atuqtaghangit nutarannuat aullaqtitaavaktughayut tamainut Nunavummiunut, pimariktunnik atugaghannik atuqtaghaliuqtughat tamainni Nutaqqiqivingni.”

Tikitaghaat	Paannariit/ Piqatausimayuuq	Tilihityuti uvalu Qanuriliurutit	Hivittikkuta	Qanuriniaqtughauvat
7.1 Havaqattigiplugit hapkuat HSS piyaghalianginnik uvunga Kinatuinaknut Munaghitjutighak Hanaqiaghaq (PHS) Mamangnullu Nutarannuanullu Hanaqiaghaq (MNHS) piyagha-lianginnik Ilagii Anniktailiyutit Taimaaktitinahuan-niq Hanaqiaghaq	Hiviliqti: GN HSS	<p>Havaqattigiplugit hapkuat parnaigutait hapkuninga malittiariaghaita naunaiglugit:</p> <p>PHS</p> <ul style="list-style-type: none"> ● Ihummalkupallaruivyaktut, Aanniqtaliniq hamalu ihummalkutaliniq hamalu nuliarnikkut aanniqtauhimaliqtuq ● Inulramirni Ihumaluutauyut mighiyuumiutat ● Mighiyumiutat higagluit imialulu ● Angigliyumirlugit nunallaat aktiilangata namagiyat <p>MNHS</p> <ul style="list-style-type: none"> ● Amigaigyumilugit hingaittailitjutighanut parnairutighangit hamalu angayuqanguyunut atugaghaliughimayut hapkuat nutaqqaanut ilangiinullu ayughaliqtunut nutaqqaanut ilangiinullu atugaghat 	2011-2012 hamalu aullahimaktuq	Iluatqiyat havaqattigiugitughat hanaqiaghannik paannariitlu Nunavunmi.
7.2 Inuuhiritughangit nutaqqaat angiglivalliatjuti-mingni Nunavunmi.	Hiviliqti: GN Ilinniaqtuliyiyik kut	<p>Ikayuutighat Nutarannuat Angiglivalliatjutimingni ayuiktaghait (ECD) Nunavunmi nunallaani atugaghaliuklutik/ihuaghaglugit atuqulugit inuuhipta atutuqait Nutarannuat Angiglivalliatjutimingni atugaghat, takunnaktut naunaiyagighimayut.</p> <p>Mannighainik qinnighiatjutighannik ikayuutighangannik nunallaani hapkuninga piqangittut ECD atugaghannik.</p> <p>Havaktughayut Inuinaqturutighanginnik nutaqqiqiviit ayuighautighanginnik.</p>	2011-2012 aullahimaktuq 2012-2013 2012-2013 aullahimaktuq	Amiraigyumilugit ikayuutighangit nutarannuatni inuuhiritangnaqtumik sikuulighimaitut Nunavunmi.
7.3 Uuktuqlutik hapkuat ayuighautighat inuuhiritangnirmut ihumagingnirmullu nukaghiit iliharviinni tamainni Nunavunmi.	Hiviliqti: GN Ilinniaqtuliyiyik kut	<p>Havaktuq uuktutighamik Inuuhiringnirmut ihumaringnimullu ayuighautighanginnik, hapkuninga inminik-nakuugivallianaktu, ulapqiqatiqattianirmullu, ihuinnaaktanut ihuaghautighangit, hamalu allat hilitjutighangit ayughalirumik.</p> <p>Atuiqtitlugit hapkuat sisinni iliharvinni.</p>	June 2012 Pigialiqtuq	Titiratuq naunaitunik uuktuqtaita iliharvingni, ihuaghautighait naunaiktayut atuqtaghainik Ihumaringnirmut ulapqitianirmut tamainni nukaghiit iliharviinni Nunavunmi nutaqqat atugaghait inuuhimangni ilitturitjutighannik ikpiguhutit allanut ikayuutighangillu qanuqtut inmingniik ayughautigivaktaitigut.

Piyaghaq 7 (Ilanga)

Tikitaghaat	Paannariit/ Piqatausimayuuq	Tilihityuti uvalu Qanuriliurutit	Hivitikkuta	Qanuriniaqtughauvat
7.4 Uqaqatigilugit ayuittugaliit mannighatigulu aullatjutighanik pimariktumik atuliqtauhimayut (ECD) tamaini Nunavunmi nunallaani.	Hivuliqatigiik: GN Ilinniaqtuliyiyik kut /NTI Allallu Piqatausimayuuq nammakpat	Havaktughauyut naunaiyautighanik titiqamik naiglitjunmik umingga (A) hapkuat atuqtauyarighimayut ihuaktut aullatjutighanik pimariktumik atuliqtauhimayut Nutaranuat Anglilivalliatjutimingni ayuiktaghait (ECD) atugaghattuniyauttaaktut inungnut nunallaanullu; (B) atuqluaktauvaktut naunaiyautit atuliqtiyutit ECD atugaghat, nunallaani tamaini Ukiuqtaktumi; hamalu(C) mannighatigulu aullatjutighanik pimariktumik atuliqtauhimayut (ECD) tamaini Nunavunmi nunallaani.	April 2012 Pigialiqtuq	Takunnaqtunik tunihiyut ihuaghautighaniklu havaktauhimayunnik naunaiyaingmata katimagyuaramik. Mannighat naunaiktauuyuuq ilihautiliurutighangat atuuliqtitjutighat tamaini Nutaqqiqivingni; Nutaranuat Sikuulighimaitut Iliharvianni . Atugaghat tamayat tuniyauyut tamainut ECD ilihakvingnut
7.5 Havaktughauyut ilihautiliurutighanik atuuliqtitjutighangat inuuhiringnangnikut ulapqatiringnikut tamaini Nutaqqiqivingni Nunavunmi.	Hivuliqatigiik: GN Ilinniaqtuliyiyik kut / ELC/Inuit Timiyut	Havaktughauyut tunilugillu ilihautighat inuuhiringnangnikut ulapqatiringnikut Nunavut nutaqqatigut, hapkutiguna ayuiktaghait inuuhiminni, qanuriliurutighat, hamalu ulapqatiriittianganig.	June 2012 Pigialiqtuq	Ilihautiliurutighangat atuuliqtitjutighat tamaini Nutaranuat Anglilivalliatjutimingni ayuiktaghait (ECD) Nutaqqiqivingni.

Piyaghaq 8: Paannariit ikayuutighannik nunallaanut aullakipkaitjutighat nunallani hulilukarutighanginnik

"Paannariit angiqatigiiktut inuuhirittiarniq nakuuvaktuq hamna inminiiqniq Nutqaqtirutighaatiq. Nunallaat tamangmik havaqattigiiktughayut hamna atulirrianganni Hanaqighaq, kihimik nakuuyunnik atuugaghaliughimayunik atugaghaniklu inuuhiringnaktumik inungni ilagiiqtunilu havagiaqaqtut."

"Taimaitumik, Nunat tamaita naunaighipkalkugit hunauyaighaita nunamingni havaagumayamingnik hivulliyumayatik, Paannariit pipkainahuaktut nunallaat manighanginnik atugaghainnik hulipkaiytutighanginik inuuhiringniup mighanut quviahutighanginik Inuit pitquhiitigullu hivuliuyumayainik, hamna aghuurutigitugit angiglyumirlugit nunallaat aktilangata namagiyaat.."

Tikitaghaat	Paannariit/ Piqatausimayuq	Tilihityuti uvalu Qanuriliurutit	Hivitikkuta	Qanuriniaqtughauvat
8.1 Ikayuglugit nunallaat mannighaginnut angigutaanut uuktutighanik.	Hivuliqatigiik: GN HSS/NTI	NTI hamalu GN Kavamakkut havaqatiginiqat Kanatap Kavamangat naunaiglugit havaktillu Piqatausimayuq hamalu ikayuqlugit pittalirianginni manighanginnik tallimanni-ukiunni mannighaginnut angigutaanut.	April 2011 Pigialiqtuq	Nakuuhiyumiglugit ihuaghittaaktut ikayuutighallu nunallaani-piyaghanginnik huliyumayainnik hapfuma mighanut inminiiqniq Nutqaqtinnahuaqniqmut aullarutighat. Nakataq 32 uvanga NLCA titiraqtauhimayunni.
8.2 Tunilugu Nunavut Inminiiqniq Nutqaqtirutig-haatiq Hanaqighaq atuliqtaupkaiyt nunallaani katimayit hamalu timiuyut. Paannariiklutik ihuangniagut atuliqtaupkaiyughanut umingga Hanaqighaq.	Hivuliqti: Atuliqtaupkaiyt Katimayiralangit	Aquivigilugit nunallaat hamalu tuniuqqaqtauyughamik naunaiyautinik hapkutiguna Nunavut Inminiiqniq Nutqaqtirutig-haatiq Hanaqighaq; Naunaiyaglugit naliinnut nunallaani katimayit paannariirumayut hapkuninga atuliqtaupkaiyughanut nalliinik uma Nunavut Inminiiqniq Nutqaqtirutig-haatiq Hanaqighaq.	May 2011 Pigialiqtuq	Angiglyumiglugit nunallaani naunaiyaktaghait uvunga Nunavut Inminiiqniq Nutqaqtirutighaatiq Hanaqighaq angiglyumiglugu havaqatigiitighaak ukuak Atuliqtitti Katimayiralaangit nunallaani hamna atuliqtaupkaiyughanut Hanaqighaq.
8.3 Naunaiglugit Nunallaani Piqatausimayuq aullapkailuaqtut ikayuglugit atuliqtititjutighanni Nunavut Inminiiqniq Nutqaqtirutighaatiq Hanaqighaq.	Hivuliqti: Atuliqtaupkaiyt Katimayiralangit	Aquivigilugit nunallaat hamalu tuniuqqaqtauyughamik naunaiyautinik.	May 2011 Pigialiqtuq aullahimaktuq	Angiglyumiglugit nunallaani Piqatausimayuq ikayuutighangit atuliqtititjutighanni Nunavut Inminiiqniq Nutqaqtirutighaatiq Hanaqighaq..

Hapkuat Atuliqtaupkaiyit Katimayiralaangit pipkaiyughauyut atuliqtitulituk umingga Nunavut Inminiiqniq Nutqaqtirutiighaatigut Hanaqiaqhaq Parnairutit Atugaghaq uvanni pitquyauhimayanganni. Hamna Atugaghaq Parnairutit attuqtaulirmiatut atiliuqtayagiikpat, uvunga aglaat March 31, 2014.

Atiliuqtauyuq Iqalungni, Nunavut, uumanni 12th upluanni Sept. 2011.



President
Nunavut Tunngavik Inc.



Minista Manarhiliqiyikkut
Inuuhiriknirmullu
Kavamangat Nunavut



President
Ikittiahimalugu Inuuhik
Katimayit



Commanding Officer, "V"
Division
Palihimakkut